



**Arnoldi Corvini â Belderen, Batavi, Jcti quondam  
Consummatissimi, Consilarii Electoralis & Professoris  
Moguntini Publici, &c. Tractatus Geminus De Personis  
Atque Beneficiis Ecclesiasticis Sive ...**

opus posthumum, diu desideratum, nunc demum excusum, & indice  
locupletissimo instructum

De beneficiis ecclesiasticis

**Corvinus van Beldern, Arnold**

**Francofurti ad Moenum, 1708**

**VD18 10184902**

De Nominatione Regia. Tit. 6.

---

[urn:nbn:de:hbz:466:1-62028](https://nbn-resolving.org/urn:nbn:de:hbz:466:1-62028)

# TITULUS VI

## De Nominatione Regia.

### SUMMARIA.

- |  |  |
|--|--|
| 1. <i>Continuatio.</i>                           | 8. <i>Licet non adsit Nominato, aliquando creari tamen debet.</i>    |
| 2. <i>Nominationis verbo usi Latini veteres.</i> |  |
| 3. <i>Nominatio quid.</i>                        | 9. <i>In quibus præterea jus Nominationis habeant Reges Francia.</i> |
| 4. <i>Regia vel Scholastica.</i>                 | 10. <i>Quando cesset.</i>  |
| 5. <i>Regia quod jus tribuat.</i>                |  |
| 6. <i>Qualis quem nominat Rex, esse debet.</i>   | 11. <i>Quomodo vacet Beneficium interest nihil.</i>                  |
| 7. <i>Idoneitas ejus unde asstimatur.</i>        |  |

**S**equitur, ut juxta ordinem in titulo primo hujus libri præscriptum, nunc de *Nominatione* videamus. 1

*Nominationis* verbo, materie nostræ maxime accommodato & apposito, & veteres Latini Authores in re non adeo dissimili tibi fuisse. Plinius lib. 2. epist. scribit; *Sic illa die, qua Sacerdotes solent nominare, quos dignissimos Sacerdotio judicant me semper nominabant.* Idem lib. 4. *Mihi verò etiam illud gratulatione dignum videtur, quo successi Julio Frontino Principe Viro, qui me nominationis die per hos continuos annos inter Sacerdotes nominabat tanquam in locum suum cooptaret, quod nunc eventus ita comprobavit, ut non fortuitum videretur.* Brutus in epist. ad Ciceron. *Is Pansa locum petere constituit, eam nominationem à te petimus, neq. conjunctiori dare beneficium, quam nos tibi sumus, neq. digniorem nominare potest, quam Bibulum.* Græci *Nominationem* hujusmodi *νενομιση* appellant. 2

[Ss]

Est

3 Est autem *Nominatio*, duorum, trium, vel plurium, ut idoneorum, electionis causa delectus, *can. 1. dist. 85. Archidiacon. in c. nulli de elect. in 6. & can. quanto. col. 2. dist. 63. & expressio. fac. l. 1. & 2. de lib. & postb. hered. instit. l. certum. 6. ff. de reb. credit.*

Dico, *duorum vel plurium*; quia interdum & unus nominari potest; sed illius nominatio est potius electio, ex qua jus aliquod acquiritur Nominato. *c. cum olim. de re judic. Gloss. in d. can. quanto. & in c. contra. 16. qu. 7.*

4 Est *Nominatio*, maxime in Gallia, duplex; alia *Regia*, de qua hoc titulo; alia *Scholastica*, de qua in titulo sequente.

5 *Regia* plus juris tribuit quam presentatio: Nec enim procedit ratione Juris Patronatus, quam habet Rex in omnibus regni sui Ecclesiis; ut legimus apud Matthaeum Paridem in *Chronicis Angliae*. Johannes Angliae Regem Papae & Ecclesiae Romanae obligasse omne Jus Patronatus quod habebat in Ecclesiis Anglicis: sed ex conventis Regis ac Pontificis habitis inter Regem & Pontificem Romanum: quae habebantur Concordatis, aut si mavis, ex constitutione Leonina.

6 Cujus capite uno ad hanc Nominationem pertinente, haec sunt continentur. *Vacante Ecclesia Cathedrali vel Metropolitana Episcopus non à Collegio Canoniorum Ecclesia eligatur*, ut eligi debere supra docuimus; sed Rex intra sex menses virum gravem atq; idoneum Papa optineat ac nominet.

7 Idoneus ut aestimetur, ad minimum annorum debet esse viginti & septem: & in Schola aliqua celebri solemnibus gradibus ac titulis insignitus: nempe Theologiae aut Juris Civilis vel Pontificii Magisterio sive Doctrina, qui Scholasticorum honorum est apex; aut certe huic proximo gradu, quem vulgo Licentiam appellant. Appellatur eruditius posset Prodoctrina, Graece μεθ. οδ. δασκαλία.

Tali Regis Candidato Vacantis Ecclesiae gubernationem committere debet Pontifex. Si vero non sit talis; potest Rex alium intra trimestre spatium digniorem nominare: Quo tempore elapso, computando à die intimationis repulsae, de Ecclesia vacante providebit Romanus Pontifex. §. 1. de Regia ad Pralatur. Nominat. facienda. in Concord. Sunt

Corvinu  
De Personis  
et Benef. Eccle

G IV.

322

Sunt tamen ex Regis Candidatis nonnulli, quos Pontifex cogitur  
8  
creare Antistites; tamen dicta eis non infunt, id est, tamen honores il-  
los Scholasticos consecuti non sint. Ut sunt Regis Gentiles ac Confan-  
guinei, alique sublimes & splendida personæ. Sæpe enim utilitas ali-  
qua & temporis ratio exigit, ut hujusmodi personæ modo aliqua eis ad-  
sit mediocritas, promoveantur ad Ecclesiæ ministeria, humilioribus  
posthabitis: Nec aliter id fieri debere, dicta constitutione Leonina di-  
sertè est expressum. *Duaren. de sacris Eccles. ministr. lib. 5. cap. 12.*

Quibus adscribendi sunt Religiosi Mendicantes, quibus ex Regu-  
larè instituto, solemnibus conventuum Scholasticorum graduationibus  
est interdictum; *Dartis tract. de benef. sect. 7. cap. 4.* si modò eorum  
virtus & doctrina tam sit excellens, ut eos Ecclesiis præfici publicè inter-  
fit. *Duaren. d. loco.*

Jus quoque Nominationis datum est Regibus Franciæ in Abba-  
9  
tis & Prioratibus, Monachorum, non Monialium, non Ecclesiarum  
Sæcularium, sed Conventualibus similiter electivis; ita tamen ut suffi-  
ciat ætas annorum viginti trium, nec eum qui nominatur à Rege sit ne-  
cesse aliquo gradu esse decoratum sufficit esse vitæ Monasticæ & institu-  
ti, & ejusdem Ordinis. *S. monasteriis. eod. tit. in Concordat. & ibi Rebus-  
fus, Dartis d. loco, vers. jus quoq. Duaren. d. loco. circa fin.*

Cessat hoc jus nominandi, ubi hæc beneficia vacant in Curia Ro-  
10  
mana. Quia illa, ut supra docuimus, Romani Pontificis dispositioni li-  
bere sunt reservata. *Dartis d. loco. vers. similiter. Duar. d. loco, in fin.*

Cessat quoque ubi Collegio alicui Ecclesiastico, aut Monasterio  
Pastorem eligendi facultas speciali privilegio fuerit concessa. *S. ult. eod.  
tit. in Concordat. d. loco, vers. nec quoq. Duaren. d. loco.*

Nihil autem interest, quo modo vacet Beneficium, an morte, an  
11  
renuntiatione; etiam ex causâ permutationis: Semper enim jus nomi-  
nandi habet Rex, aut requiritur ejus consensus, *Placet* vulgò appellant.  
*Dartis d. loco, vers. nihil autem interest.*

TITULUS VII.  
De Nominatione Scholastica.

SUMMARI A.

- |   |  |
|---|--|
| 1. <i>Nominatio Scholastica cur procedat jure extraordinario.</i> | 11. <i>Cur.</i>  |
| 2. <i>Ortus à Gratiis expectatis.</i>                             | 12. <i>Quando petenda &amp; concedenda Nominatio.</i>        |
| 3. <i>Ab Universitatis voluntate pendet.</i>                      | 13. <i>Redigenda in scriptum.</i>                            |
| 4. <i>Quae beneficia eà comprehendantur.</i>                      | 14. <i>Duplicata exhibenda.</i>                              |
| 5. <i>Fundatur in Concordatis.</i>                                | 15. <i>De Originalibus quae faciendum.</i>                   |
| 6. <i>Cur concessum Jus Nominationis Universitatibus Gallia.</i>  | 16. <i>Ut Matricula inscribatur. Nominatus, non necesse.</i> |
| 7. <i>Earum nomine quae intelligantur.</i>                        | 17. <i>Quae exprimenda.</i>                                  |
| 8. <i>Qualem nominare debeant.</i>                                | 18. <i>Ad quos dirigenda.</i>                                |
| 9. <i>Legitimum studiorum tempus quod.</i>                        | 19. <i>Quibus insinuanda.</i>                                |
| 10. <i>Qui excipiantur.</i>                                       | 20. <i>Insinuatio hic quid.</i>                              |
|   | 21. <i>Coram quibus facienda.</i>                            |
|   | 22. <i>Semel.</i>  |
|   | 23. <i>Eà facta petenda Cuius latio: &amp; à quo.</i>        |
|   | 24. <i>Ea negata devolvitur ad Superiorem.</i>               |

CORVINU  
De Personis  
et Benefic. Eccle

G IV.

32